



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՈՒՄԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՐՑԱՆԻ ՆԱԽԱԳԱՅ ԲԱԳՕ ՍԱՀԱԿԵԱՆ ԵՒ ԱՌԱՋՆՈՐԴ Տ. ՊԱՐԳԵՒ ԱՐՔ. ՄԱՐՏԻՐՈՍԵԱՆ ԱՅՑԵԼԵՑԻՆ ԱԶԳԱՅԻՆ ԱՌԱՋՆՈՐԴԱՐԱՆ

Տարիներու բարի աւանդութեան համաձայն, Լեռնային Ղարաբաղի հանրապետութեան նախագահ Բագո Սահակեան եւ Արցախի Թեմի Առաջնորդ Տ. Պարգեւ Արք. Մարտիրոսեան, «Հայաստան» Համահայկական Հիմնադրամի տարեկան հանգանակային ձեռնարկին՝ թելեթոնին առիթով Լոս Անճելըս կը գտնուէին Նոյեմբերի նախաՎերջին շաբաթը. նմանապէս բարի աւանդութիւն է, որ նախագահն ու Առաջնորդ Սրբազանը այցելութիւն տային Ազգային Առաջնորդարան եւ վերանորոգէին Արցախ-հայրենիքին հետ մեր Թեմին կապերն ու սերտակցութեան ուխտը:

Այս աւանդութեան նորագոյն էջը արձանագրուեցաւ Երեքշաբթի, 22 Նոյեմբերի կեսօրին: Արդարեւ, նախագահ Բ. Սահակեան, Պարգեւ Սրբազան եւ անոնց ընկերացող պաշտօնական պատուիրակութեան անդամները Ազգ. Առաջնորդարան ժամանեցին յետմիջօրէի ժամը 2ին եւ շուրջ երկու ժամ եղան հիւրերը Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի ու ժողովականութեան անդամներու: Պատուիրակութեան մաս կը կազմէին Տեառք Դաւիթ Պապայեան եւ Ռոպեր Աւետիսեան, յաջորդաբար՝ նախագահի լրատուական գրասենեակի տնօրէնը եւ Ուաշինկթընի մօտ Արցախի ներկայացուցիչը: Ծաշի սեղանի շուրջ ընթացող հանդիպումին ներկայ ու մասնակից էին Մեծի Տանն Կիլիկիոյ միաբանութեան երեց անդամներէն Գերշ. Տ. Եփրեմ Արք. Թապագեան, Թեմիս Կրօնական Ժողովի ատենապետ Գերպ. Տ. Միւռն Ծ. Վրդ. Ազնիկեան, Հայաստանի գլխաւոր հիւպատոս Տիար Գրիգոր Յովհաննիսեան, հիւպատոս Մեսրոպ Շապոյեան, Ս. Աթոռոյս Ազգ. Կեդրոնական Վարչութեան անդամ Տիար Վահէ Եագուպեան, Ազգ. Վարչութեան ատենապետուհի Տիկին Ռիմա Պողոսեան եւ վարչութեան անդամներ, «Հայաստան» Հիմնադրամի Լոս Անճելըսի բաժանմունքի վարիչ-տնօրէն Տիար Արա Ակիշեան, փոխ ատենապետ Տիար Գօգօ Պալեան, ինչպէս նաեւ ՀՕՄի Կեդրոնական Վարչութեան ատենապետ Տիկին Վիգի Մարաշլեան, ՀՕՄի Արեւմտեան Միացեալ Նահանգներու Շրջ. Վարչութեան ատենապետ Օր. Նայիրի Տերտերեան, Ազգ. Վարժարաններու Խնամակալ Մարմինի ներկայացուցիչ Տիկին Մակի Սարգունի եւ այլ հիւրեր:

Առաջնորդ Սրբազանը, գլխավոր հիպատոսն ու ժողովականութեան ներկայացուցիչները յարգելի հիւրերը դիմաւորեցին Ազգ. Առաջնորդարանի մուտքին. անոնք միասնաբար բարձրացան բ. յարկ, ուր համախմբուած էին հիւրերն ու վարչականները: Դահլիճի մուտքին, տեղի ունեցաւ կարճատեւ հիւրասիրութիւն, որուն ընթացքին, Առաջնորդ Սրբազանը ողջոյնի խօսք ուղղեց նախագահին, Արցախի Առաջնորդին ու հիւրերուն:

Ճաշի հիւրընկալումն ու մտերմիկ հանդիպումը տեղի ունեցան «Սիւլահեան» դահլիճին մէջ: Ճաշի պատրաստութիւնն ու հիւրասիրութիւնը յանձն առած էր Ազգ. Առաջնորդարանի Տիկնանց Օժանդակ Մարմինը:

Ստեղծուած մտերմիկ մթնոլորտին մէջ, ողջոյնի ու սրտի խօսքեր արտասանեցին Առաջնորդ Սրբազանը, Ազգ. Կեդրոնական Վարչութեան ներկայացուցիչը, Ազգ. Վարչութեան ատենապետուհի Տիկին Ռիմա Պօղոսեան, Ազգ. Առաջնորդարանի Տիկնանց Օժանդակ Մարմինի ատենապետուհի Տիկին Սալբի Սրուբեան, «Հայաստան» Հիմնադրամի տնօրէնը, Հայր Միւռն եւ ՅՕՄի Կեդր. Վարչութեան ատենապետուհին: Անոնք կանգ առին Գոհաբանութեան տօնի խորհուրդին վրայ, շեշտեցին թելեթոնին կարեւորութիւնն ու յատուկ դերը՝ հայրենիքին նուիրաբերելու հայութեան պատրաստակամութեան թարգմանը ըլլալու իմաստով, ու գնահատանքով արտայայտուեցան, որ այս տարուան հանգանակային արշաւը ունի յստակ նպատակ մը՝ կենսատու ջուր ապահովել բնակչութեան ու երկրագործներուն: Տիար Վահէ Եագուպեան անդրադարձաւ Անթիլիասի կաթողիկոսութեան ու Արցախի միջեւ ստեղծուած յատուկ կապերուն ու գործակցութեան, յիշեցնելով, որ կաթողիկոսութիւնը, իր Թեմերուն հետ գործակցաբար, յանձն առած է «Նոր Կիլիկիա» գիւղին վերանորոգումը: Տիկին Ռ. Պօղոսեան յարգանքի խօսք ուղղեց Արցախի հերոս ժողովուրդին, որ հակառակ բազմապիսի դժուարութիւններու՝ կառչած կը մնայ հայրենի հողին. Արցախի ժողովուրդին գօրակից ու աջակից ըլլալու տրամադրութեանց արձագանգ եղան Տիկին Վ. Մարաշլեան, Հայր Միւռն եւ Տիար Արա Ակիշեան:

Առաջնորդ Սրբազանը Արցախի պետական ու հոգեւոր ղեկավարներուն փոխանցեց Ս. Աթոռոյս գահակալ Ն.Ս.Օ.Տ.Տ. Արամ Ա. Կաթողիկոսի ողջոյններն ու գործակցութեան զարգացման տրամադրութիւնները, յիշեցնելով, որ նախագահ Սահակեանի Լիբանան այցելութեան օրերուն, Վեհափառ Հայրապետը հիւրընկալած էր զայն: Այս առիթով, Առաջնորդ Սրբազանը յատուկ յուշանուէրներ յանձնեց յարգելի հիւրերուն. յուշանուէրները պատրաստուած էին ամիս մը առաջ տեղի ունեցած հովուապետական այցելութեան առիթով: Ան նկատել տուաւ, որ հայութիւնը աննահանջ կերպով պիտի շարունակէ գօրակից ըլլալ Արցախին ու մայր հայրենիքին, անհամարիտելով առօրեայէն ու աշխարհին վիճակուած աննպաստ պայմաններէն բխող դժուարութիւններն ու խոչընդոտները: Վերջապէս, Առաջնորդ Սրբազանը գնահատանքի ու շնորհակալութեան խօսք ուղղեց Տ.Օ.Մարմինին, որ սիրայօժար յանձն առած էր հիւրընկալումը:

«ԽԻՉԱԽՈՒԹԻՒՆ՝ ԲԱՐԻՔԻ ՃԱՄԲՈՎ»

Հանդիպումին եզրափակիչ խօսքը արտասանեց նախագահ Բ. Սահակեան: Ան յիշեցուց, որ անցեալ տարիներուն քանիցս գտնուած է այս յարկին տակ, որ հարազատ է իրեն ու հոս կը զգայ Արցախին հետ միասնութեան ոգին: Խօսելով Արցախի կերտած նուաճումներուն մասին, ան նկատել տուաւ, որ Արցախ այցելողները ականատես կ'ըլլան բարգաւաճման այն ուղիին, որ կը կերտուի աննահանջ կերպով, եւ որուն համար ան շնորհակալութեան խօսք ուղղեց համայն հայութեան, որուն կը պատկանի հայրենի երկիրը: Նախագահ Սահակեան վեր առաւ մեր եկեղեցւոյ բարերար դերը՝ մեր ժողովուրդի կեանքին մէջ, յատկապէս ընդգծելով դէպի բարիին առաջնորդելու անոր առաքելութիւնը. ան շեշտեց, որ խիզախութեամբ յառաջ տարուող ու յաղթանակներ ապահովող պայքարը կը բխի բարիքէ, որովհետեւ առանց բարիին, խիզախութիւնը թերի է:

Արցախի նախագահը դրուատիքով խօսեցաւ ՀՕՄի հայրենասուեր աշխատանքին մասին, յոյս յայտնելով, որ գործակցութեան դաշտերը ընդարձակուին ապագային: Ան նաեւ գոհունակութեամբ արտայայտուեցաւ Անթիլիասի Կաթողիկոսութեան հետ ստեղծուած կապերուն ու գործակցութեան մասին, նշելով, որ Արամ Ա. Կաթողիկոսը հրաւիրուած է Շուշիի ազատարգութեան 20ամեակի հանդիսութիւններուն, որոնք նախատեսուած են յառաջիկայ տարի:

«Մեր յաղթանակները տակաւին չեն աւարտած, այնքան ատեն, որ Արցախի հարցը իր արդար լուծումին չէ հասած», յայտարարեց նախագահը, եւ յոյս յայտնեց, որ զսպուածութեամբ ու հետեւողականութեամբ՝ պիտի յաջողինք հասնիլ վերջնական ու բաղձալի լուծման:

Շուրջ երկու ժամ տեւած մտերմիկ հանդիպումի աւարտին, ներկաները խմբանկար մը ունեցան Ազգ. Առաջնորդարանի մուտքի կամարին տակ:

PRESIDENT AND PRIMATE OF ARTSAKH VISIT THE PRELACY

On Tuesday, November 22, 2011, President of the Nagorno-Karabakh Republic His Excellency Bako Sahakyan and Prelate of Artsakh H.E. Archbishop Barkev Martirosyan paid an official visit to the Prelacy where they were welcomed by Prelate H.E. Archbishop Moushegh Mardirossian, Councils, and Prelacy and community representatives.

NKR President's Press Officer Davit Babayan, NKR representative in Washington Robert Avetisyan, Consul General of Armenia Grigor Hovannissian, and Consul Mesrob Shaboyan, accompanied the honored guests, who are in Los Angeles for the annual Armenia Fund Telethon.

Joining the Prelate were H.E. Archbishop Yeprem Tabakian, Very Rev. Fr. Muron Aznikian, Central Executive member Mr. Vahe Yacoubian, Executive Council Chair Mrs. Rima Boghossian and Council members, Armenia Fund Chair Mr. Ara Aghishian, Vice-Chair Mr. Koko Balian, ARS Central Executive Chair Mrs. Vicky Marashlian, ARS Regional Executive Chair Ms. Nyree

Derderian, Board of Regents members Mrs. Maggie Sarkuni, and members of Prelacy committees.

Upon their arrival the guests were escorted to the second floor lobby for a reception, after which they were hosted to a lunch reception at the "Sulahian" Reception room. The lunch was prepared and hosted by the Prelacy Ladies Auxiliary.

Welcoming remarks were delivered by the Prelate, Mr. Yacoubian, Mrs. Boghossian, Ladies Auxiliary Chair Mrs. Salpi Srourian, Mr. Aghishian, Fr. Muron, and Mrs. Marashlian, all of whom spoke on the true meaning of the Thanksgiving holiday and the importance of the Armenia Fund Telethon which this year will benefit the development of modern drinking and irrigation water systems in Armenia and Nagorno Karabakh. Mr. Yacoubian also highlighted the collaboration between the Catholicosate of Cilicia and Artsakh, noting that the Catholicosate with its Dioceses has undertaken the development of the "Nor Giligia" village. Mrs. Boghossian addressed her remarks to the heroic people of Artsakh who, in spite of innumerable difficulties, remain in their homeland and remain committed to its progress.

The Prelate conveyed the greetings of His Holiness Catholicos Aram I and the sentiments of His Holiness to expand the collaborative efforts of the Catholicosate and our homelands, noting that during his trip to Lebanon, President Sahakyan was welcomed and hosted by His Holiness. The Prelate then presented the honored guests with mementos from the recent Pontifical visit of His Holiness. In conclusion, the Prelate emphasized that the Armenian people will unwaveringly support Artsakh, no matter the economic difficulties we and the world may face.

President Sahakyan was then invited to deliver his message.

The President began by saying that he visits the Prelacy each year and here he feels a spirit of unity with Artsakh. President Sahakyan reflected on the advancements the country has experienced which he said is owing to the united support of Armenians worldwide. His Excellency highlighted the invaluable role of the Church and its mission to guide our people towards the righteous path, and noted that our struggle is a righteous one that arises from good. The President also commended the contributions of the ARS to the progress of the country and expressed appreciation for the collaboration and bond with the Catholicosate of Cilicia, noting that His Holiness Aram I has been invited to participate in the 20th anniversary of the liberation of Shushi which will be held next year. In conclusion, President Sahakyan stated that our victories are only temporary until the Artsakh situation is resolved justly, and expressed hope for a favorable final resolution to the conflict.